

Karnival Tani Fakulti Pertanian Lestari, UMS Kampus Sandakan 28-30 Oktober ini

NST 27.10.2016 8

SANDAKAN: Fakulti Pertanian Lestari (FPL), Universiti Malaysia Sabah (UMS) akan menganjurkan Karnival Tani FPL UMS Kampus Sandakan 2016 pada 28 hingga 30 Oktober ini di Perkarangan FPL, UMS, Batu 10, Sg. Batang, Sandakan.

penganjuran dengan kerjasama Majlis Perbandaran Sandakan (MPS) ini turut disertai beberapa agensi kerajaan dan swasta antaranya Lembaga Pemasaran Pertanian Persekutuan (FAMA), Jabatan Haiwan dan Perusahaan Ternak (JPHPT) Sabah, Jabatan Pertanian Sabah, Korporasi Pembangunan Desa (KPD), Lembaga Kemajuan Ikan Malaysia (LKIM), Lembaga Pertubuhan Peladang (LPP), Pihak Berkuasa Kemajuan Pekebun Kecil Perusahaan Getah (RISDA), Tekun Nasional, Stesen Penyelidikan Pertanian Ulu Dusun, Kementerian Pembangunan Perindustrian, dan banyak lagi.

Antara aktiviti yang berlangsung sepanjang tiga hari karnival tersebut ialah pameran dan jualan produk dari agensi, pertandingan kesenian dan kecantikan ayam serama, pertandingan karaoke terbuka, pertandingan Auto Show, pertandingan memancing, Agro-Fun Ride 30km, larian UMS Sandakan Fun Run 10km, persembahan artis dan makan malam Alumni FPL, dan lelongan hasil pertanian.

Turut diadakan Klinik Pertanian yang akan diadakan di Dewan Serbaguna, FPL UMS. Klinik tersebut yang melibatkan 18 pensyarah UMS bertujuan sebagai platform untuk perkongsian dan pertukaran pengetahuan berkaitan pertanian dalam kalangan para pakar pertanian, petani dan kumpulan dari sektor awam dan swasta yang terlibat.

Karnival ini akan dirasmikan oleh YAB Ketua Menteri Sabah, Datuk Seri Panglima Musa Haji Aman pada 29 Oktober 2016, yang kemudiannya akan terus menyaksikan majlis menandatangani Memorandum Persefahaman (MoU) dan Memorandum Perjanjian (MoA) antara UMS dan fgv Felda Global Venture Berhad, Hafiz Farm Sdn Bhd dan Jabatan Hidupan Liar.

Penduduk di sekitar Sandakan adalah dijemput hadir dan menyertai aktiviti-aktiviti yang disediakan sepanjang Karnival Tani FPL UMS Kampus Sandakan 2016 berlangsung. Karnival ini dibuka dari jam 8.00 pagi hingga 10.00 malam.